

Q. D. B. V.

DE

QVERELARVM
N VLLITATIS
ET INOFFICIOSI
TESTAMENTI
DIFFERENTIIS

ET

VSV EARVNDEM PRACTICO.

IN

REGIA GEORGIA AVGVSTA

PRÆSIDE

COMMISSARIO ACADEMIÆ REGIO

TOBIA JACOBO REINHARTHO

JCTO. MAGNÆ BRITANNIÆ REGIS A CONSILII AVLÆ,
FACVLTATIS JVRIDICÆ ORDINARIO, ET PROF. PVBL.

DISPVTABIT

AVTOR ET RESPONDENS

JOANNES BERNARDVS BENNO MAY

BILDFELD. HILDESIENSIS

IN AVDITORIO JVRIDICO

DIE XXVIII. MARTII MDCCXXXVI.

HORIS CONSVEVIS

GOTTINGÆ, LITERIS JO. FRID. HAGERL

8.

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

TO THE
LIBRARY OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

1000

THE
LIBRARY OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE



DISSERTATIO JVRIDICA
DE
*QVERELARVM NULLITATIS ET INOFFE
CIOSI TESTAMENTI DIFFERENTIIS ET
VSU EARVNDEM PRACTICO.*

§. I.

Qui in decidendis ex tabb. testamenti aliisque ul-
tis voluntatibus subortis occupantur controver-
siis, omnes potissimum nervos in id intendere
solent, ut, quantum fieri possit, conservetur ma-
gis; quam destruatur ultimum ejusmodi testatoris
elogium; & recte quidem id ipsum, qui ita sentiunt, fie-
ri existimant, propter insignes, quibus causa testati prae-
cau-

causa intestati pollet, praerogativas, eximiosque ac summos, qui testamentis in jure nostro passim tribui solent, favores. In medium, ut ceteros praeteream, jam producere liceat famigeratissimum olim Ienensis Academiae antecessorem CHRISTOPHORUM PHILIPPUM RICHTERUM, qui in comment. ad Tit. 22. *sqq. L. VI. Cod.* nescio quor, quantivse honorificis verbis testamentorum, quem modo dixi, favorem exprimere, atque adeo asserere non dubitavit: Testamentis & ultimis voluntatibus nihil esse antiquius, nihil in actibus humanis sanctius, nihil augustius, nihil gratius & acceptius, nihil utilius, nihil denique frequentius; atque ne sine rationibus id adstruere tuerique visus sit, cum NICOLAO REYSNERO in *Præfat. tractatus de testamentis* &c. P. I. C. 3. n. 5. ad ipsum jus provocavit naturæ & gentium, cui testamentorum vindicavit originem, ex quo, inquit, tantus favor iisdem conciliatus fuit, ut neque à Principe ex potestatis plenitudine, neque statuto, neque conventionem aliquam aut pacto impediri, aut tolli; aut akerari, aut immutari queat: necesse esse illa violare, quin potius juxta PAPINIANI essatum in *L. hereditas 30 in f. ff. de hereditatis petitione* tantum principi, quam pontificali auctoritate heredes ad obsequium supremæ defuncti voluntatis compelli debere; testissimam porro esse testandi libertatem, ut pro lege testatoris voluntas censi debeat, ita tamen, ut ab ipso prohibito ad extremum usque viæ spiritum mutari revocarique

rique queat, quid? quod teste PAVLO in *L. 1. ff. Testa-
menta quemadmodum aperiantur* interesse publice, suprema
hominum judicia habere exitum, & quæ sunt alta ejus-
dem generis, quæ hunc in finem produci solent, brocardica.

§. II.

Vitæ autem eundem testamentorum favorem à jure Ro-
mano derivaverit, agnoveritque SCHILTERUS, atque illum
Ex. ad ff. IX. §. 9. & Ex. XIV. §. 37. seqq. à majoribus
nostris, postquam hanc præsertim solemnem succedendi
per testamentum rationem, antea iisdem incognitam, te-
steque TACITO *de moribus Germanorum* C. 20. §. 6. inusita-
tam, cum ipso fere jure Justiniano in Germania pedeten-
tim receperunt, simul adoptatum esse existimet, nec non DR.
LEYSEKUS *Med. ad. ff. specim. 351.* majorem longe favorem succef-
sioni testamentariæ quam illi, quæ ab intestato fit, si so-
lam rectam rationem & jus naturæ spectes, tribuat, ita
quidem ut in dubio prius, quibus testator aliquid expre-
sse reliquit, contra eos, qui ab intestato succedere cupiunt,
interpretationem faciendam esse propterea autumat, quod
præsumta defuncti voluntas, cui successio ab intestato
iniicitur, toties cedere debeat, quoties de expressa satis a-
perte constat; is ipse tamén, jure Romano regulam
non raro inverti, ac majorem heredibus legitimis, quam
testamentariis favorem exhiberi loco citato facetur ingenuè.

bis sæpe magis favorem testamentorum inculcasse, quam reapse eundem illis præstitisse leges romanæ videntur, atque adeo B. HERTIUS *dissert. de Fratr. Germ. querelâ inoff. test. adversus quoscunque* §. XII, merito videndos eos esse, qui favorem testamentorum tantopere crepant, opinatus est, idemque Jo. VERSTEGIVS *obr. V. de transact.* apud SCHULTERVM *sit. Ex. ad ff. IX. §. 8.* ad mores nostros producere non dubitavit, dum inquit: *moribus sere nostris non favore, sed odio dignas dispositiones testamentarias judicari solere.* In eandem sententiam concessisse Ictos Helmstadienses ex præjudicio à Domino LEYSERO supra citato loco adducto factis abunde colligitur.

§. III.

Certe, si dicendum, quod res est, talem, qui ab alijs tribuitur, favorem testamenta in universum non mereri, ex eo crederem, quod primo, illa ipsa, quam in partes vocant, prætensi ejusmodi favoris ratio palmaria, Testamenta scilicet quoad originem ad jus naturæ & Gentium referri, atque adeo ipsam rectam rationem amplissimam illam de rebus suis disponendi facultatem omnibus peræque hominibus dedisse, non satis firmo stet talo, & propterea à multis doctissimis viris sat gravibus argumentis explosa & rejecta, quos inter EMUNDVM MERILLIVM *obs. L. VI. Cap. XXV.* B. CHRIST. THOMASIVM *Not. ad tit. Inst. de testament.* Jo. GOTHOFRED. DE COCCENI *Diff. de testam. Princip. P. I.*

P. I. §. 22. *ſeqq.* adduxiſſe ſufficiat. Dein ipſa experientia ſatis comprobat, teſtamenta ultimasque alias voluntates vel ira ſæpe, vel odio, vel livore, vel voluptate, vel interdum ſuperſtitione eâ potiſſimum vitæ periodo perſici ſolere, quâ animus diſponentis mortalitatis cogitatione ſæpe perturbatus atque perplexus eſt, corpusque omnibus plane viribus deſtitutum, adeoque ita ſæpe diſponi, ut infinite inter præteritos, inſtitutos, & legatarios ſuboriantur ſimilitudines, præterea ægre fiat pauperibus atque egenis, opulenti e contra frequentius colantur donis, quo ipſo æqualitati civium male conſulitur, quorum tamen præſertim originariorum præcipua habenda eſt ratio, ne ipſorum opes vel ſubruantur, vel evertantur nimia teſtandi licentia, quâ multis rebus publicis interitum ipliſum paratum ac accerſitum eſſe ex ARISTOTELE II. *polit.* 7. & 9. oſtenſum ivit B. HERTIUS in *not.* quem ſi placeat conſeras in *Elem. Prud. civ. P. II. ſect. II. §. 33.*

§. IV.

Accedant denique partim varia inſtituta plurimarum gentium, puta *Hebræorum, Athenienſium, Lacædæmoniorum, & ſigillatim Germānorum*, quibus ex illis ipſis, quas dixi rationibus, factum eſt, ut teſtamentorum uſus vel penitus è republica ſublatus vel non admiſſus, vel arctioribus limitibus olim & hodie circumſcriptus fuerit, de quibus

om-

omnibus egregie & ex instituto egit *Jure German. arctis limitib. circumscripta*. Vir eximius HEINECCIUS cit. *Dissert. §. VI. seqq. de Testam. fact.* Partim nimirum justum favorem satis mihi extenuare videntur tot tantaque ipsius romani juris remedia, quæ adannihilanda vel rescindenda testamenta sunt prodita, inter quæ cum *Querela Nullitatis & inofficiosi testamenti* principem potissimum locum & olim obtinuerint, ac etiamnum obtineant, usumque fori non exiguum ostendant hodie, de istarum differentiis hac ipsâ, quam defendendam suscepi exercitatione Academicâ, eâ, quâ fieri potest, tuar brevitate, tum perspicuitate, agere mecum consilii.

§. V.

Per *Querelam* autem *Nullitatis* non illud subintelligo remedium, quo sententiæ nullitate quadam affectæ in foris impugnari solent, quin potius illud, quo testamentum de jure subsistere non posse ostenditur, atque adeo à judice, ut pro nullo declaretur, atque successioni ab intestato locus relinquatur, petitur; id quod vel per modum actionis vel exceptionis fieri posse per se manifestum est. Querela vero *inofficiosa* contra testamentum ipso jure validum hoc sine adversus heredem scriptum intenditur, ut propter iniquitatem exheredationis rite factæ earum personarum, quibus debetur legitima, rescindatur, hereditasque tanquam ab in-

testato debita exhereditatis adjudicetur, atque hanc querelam eodem, quo paulò antea dixi, modo, tam per modum actionis, quam exceptionis proponi posse, à Ictis PAVLO in L. 7. & MODESTINO in L. 12. §. f. ff. de inoff. test. nec non ab VLPiano in L. 8. §. 13. ff. eod. certiores efficimur, indeque simul evincitur, frustra illos omnes esse, qui cum WESENBECIO & HAHNIO ad tit. de inoff. test. hanc querelam contra tot apertos juris textus actionem esse negant; quod si vero quæris, qualis sit actio? Citra hæsitacionem ad hereditatis petitionem provoço, quæ extraordinaria sive qualificata est, moribus primo ex naturalis æquiritatis capite ad retrenandam nimiam LL. XII. tabb. inductam testandi licentiam introducta, postea vero expressa juris dispositione confirmata, atque adeo non ipsius testamenti solum rescissionem, sed quoque ipsam intestari suocessionem tanquam sequelam efficiens; idque auctoritate Ictorum PAVLI in L. 21. §. 2. ff. & VLPiani in L. 27. §. 3. ff. de inoff. test. intrepide assero, quibus si eundem VLPIANUM in L. 8. §. 8. & SCAEVOLAM in L. 20. ff. eod. addere velis, mihi quidem perinde erit; dissentientium interea argumentis, Dnn. de COCCEJVS patris & filii, & illius quidem diff. de different. judic. rescind. & rescissor. hujus vero in jure controuv. L. VII. tit. 2. qu. 2. nec non Domini CASPARI A RHEDEN diff. de Exhereditat. abique Elogio §. 35. in conflictu respondebitur.

§. VI.

Cum itaque Querela Inofficiosa ipsa suo modo sit hereditatis petitio, male in foro fieri ab actore existimo, si in formando Libello conclusionem ad solam testamenti rescissionem ita dirigit: Bitte dannenhero in Rechten zu erkennen: daß das quæstionirte Testament als inofficiosum aufzuheben sey &c. Nam naturam nostræ actionis quæ non præparatoria solum & rescindens, sed quoque rescissoria & principalis est, ejusmodi petitem non exhaurit; quin potius meliori iure ita concludendum censeo: Bitte dannenhero in Rechten zuerkennen; daß das strittige Testament als inofficiosum hinwiederum aufzuheben, mithin beklagter Kläger vor einen wahren Erben seines verstorbenen Vaters zuerkennen, und daher die ihn zur Ungebühr entzogene, jedoch ab intestato gebührende väterliche Erbschaft mittelst Herausgebung eines legalen Inventarii, oder in dessen Ermanglung einer eblischen Specification samt allen erhobenen Nütungen auszuantworten schuldig sey. Hæc enim libelli conclusio indoli hereditatis petitionis, quam Querelam nostram sub se complectitur supra dixi, exhaurit, ambagesque sumtuosas præscindit, quas contrariæ sententiæ addicti vix semper declinabunt; dum per Querelam, viam saltem hereditatis petitioni præparare, ac dein hac demum qua novo remedio principali hereditatem ipsam consequi præter rei necessitatem

tem intendunt; Formulam petendi meæ, quam sustinco, sententiæ accommodatam vide apud TREVTLERVM *in Praxi Judicialia* p. 72. & OLDENDORFIUM *Cl. 5. art. 2. §. 3.* nec non FRANCISCI STEPHANII HOFFBAVERI *Dissert. Inaug. de divor- tio Theoria & Præceptis circa Querelam Inoff. testam. Art. VI. §. 1. p. 18.*

§. VII.

Querelâ quoque nullitatis testamentariæ hæreditatem ab intestato evinci, apud omnes, etiam eos qui à mea, quam de inofficiosi querela sustinui sententia, divorcium faciunt, in confesso est, atque cum idem in prædicta querela fieri dixi, ambo hæc remedia hæcenus inter se convenire nullus dubito; sed cave existimes, nullas plane vel exiguas inter illa prostare differentias, parumque vel nihil interesse, utrum actor querela Nullitatis, vel inofficiosi testamentum removeat, atque adeo causam testati ad causam intestati redigat. Nam multis utrumque inter se differre modis, insignesque ex ejusdem differentiis in jure oriri effectus, ad fori usum maxime spectantes vidit B. STRYCKIUS, qui in tract. cui titulus: *Interesse Controvers. in foris* Cap. 9. §. 4. & ingress. §. 4. disputationem de testamento, utrum per querelam nullitatis vel inofficiosi impugnari debeat? non sine summa ratione inter utilissimas posuit.

§. VIII.

Querela autem nullitatis qui experiri intendit, cum testa-
mentum nullitate laborare asserat, vitium nullitatis alle-
gatum tanquam fundamentum actionis, vel exceptionis
adversario s. herede scripto litem negative contestante,
ut probet sine dubio, requiritur, idque sive nullitas
ex defectu potestatis, sive ex defectu solennitatis vel
extrinsecæ, vel intrinsecæ, vel ex alio denique capi-
te, puta, quod sit irritum, ruptum, vel destitutum, proma-
nat, obtinere existimo; Dn. de Coccejus *jur. Controv.*
L. V. qu. V. frustranea enim alias, & citra hanc proba-
tionem foret actio, vanaque de nullitate testamenti om-
nis contentio. CASP. à RHEDEN *diff. de exheredatione abique*
Elogio §. XL. §. 34. Quod quoque de casu non rite facta
liberorum vel parentum exheredationis eo magis asseren-
dum erit, quo ex dispositione JUSTINIANI IN NOVELLA
CXLV. C. III. §. IV. certius est, testamentum ejusmodi non
tam inofficiosum, quam potius nullum censerì, in quo
liberi à parentibus, & vice versa neque sunt in here-
des instituti, neque eà, qua fieri debuit ratione & for-
mâ, exheredati; quæ exheredatio toties non rite sed
nulliter facta fuisse dicitur, quoties vel omìssis persona-
rum nominibus, vel non expresso exheredationis elo-
gio, vel denique adjecta quidem causâ, sed minus i-
do-

donec & in numero earum, quæ supra citatâ Nov. CXV. Cap. III. sigillatim sunt recensitæ, non continetur, à testatore personæ necessario instituendæ sunt exclusæ. Neque rationes spinosæ VINNI, DONELLI, HILLIGERI, FACHINAEI, ZOESII, LATTERBACHII, cæterorumque plurimorum dissentientium, qui per ejusmodi exheredationem absque elogio factæ testamentum ipsum annullari negant, quin potius illud subsistere, atque adeo querelâ inofficiosi impugnari debere putant, moror, siquidem illis abunde ante me satisfactum à Ictis consummatissimis STRUVIO exerc. X. Tb. 15. § ex. XXXII. Tb. 26. STRUCKIO in nr. mod. ff. Tit. de inoff. Test. §. 4. COCCIO jur. controuv. cod. in Qu. VII. THOMASIO ad tit. ff. de inoff. Testam. p. 101. & instar omnium ex instituto à sæpe laudato Du. CASPARO a RHEDEN dissert. de Exheredat. absque Elogio. per tot. Lubens tamen largior, hoc in nullitatis casu probationem actori competentem haud fore difficilem, atque ab ambiguitatibus & circuitibus eo magis alienam, quo magis ejusmodi nullitatis vitium ex omisso elogio ortum ex ipsis testamenti tabulis originalibus sit visibile, & statim incurrens in oculos.

§. IX.

Diversa plane est *Querela inofficiosi* ratio, per quam testamenti ratione formæ validi rescissio petitur. In hac enim actor inique, hoc est, ex *falsa* causâ expressâ ex-

heredatus, quam à se commissam esse negat, ad ductum sæpe allegatæ NOVELLÆ CXV. C. III. §. IV. ad nullam probationem adstrictus est, quin hoc potius onus in adversarium heredem scriptum rejicit, à quo probationem veritatis causæ expressæ plenam salva reprobatione expectat, hacque deficiente causæ victor sine dubio existit; summam enim probationis difficultatem, qua liberi exheredati jure Digestorum & Codicis juxta L. 5. §. 1. L. 13. ff. item L. 28. C. de inoff. testam. § L. 16. C. sam. her. cit. docere tenebantur, se ex debito juxta filialis reverentiæ præcepta officia fecisse, adeoque immerentem prorsus exclusum esse, sustulisse JUSTINIANVM jure novissimo, adeo certum esse arbitror, ut LUDWELLVM Tr. de Vlt. volunt. P. 2. C. 4. p. 381. sine sufficienti ratione heic dissensisse non immerito existimem. Produxit eandem probationis immunitatem, quam liberis. & parentibus inique exheredatis asserui, etiam ad fratres inique præteritos vel exheredatos, atque hinc turpi personæ instituta postpositos, B. GRIEBNERVS speciali Dissert. Vitebergæ MDCCX. habitâ: *Vtrum Fratres, instituta querela Inofficiosi testamenti probare teneantur, se non fuisse loesos?* Cui sententiæ & ego calculum meum ex egregiis, quas adduxit, rationibus ad-jicere non vereor, ut ut vel maxime non ignorem, magno consensu fratri ipsi vel sorori ita exheredatis turpi-que personæ postpositis probationem imponi ab aliis ma-

ximæ autoritatis Ictis, HOPPIO, STRUVIO, STRUCKIO, BOMERO, TITIO, LUDOVICI, ZOESIO, coeteris.

§. X.

PRIMA nunc hæc fuit, quam proposui inter utrumque Remedium, differentia; Nunc habet SECUNDAM, quæ in eo consistit, scilicet: Querelam Inofficiosi iis solis, quibus debetur legitima, sed qui ex falsâ causâ sunt exclusi, competere, puta liberis, si a parentibus, & his si ab illis, dicto modo sunt exheredati, ac denique certo respectu fratribus ac fororibus, nempe in casu. quo turpis persona iisdem præposita; L. 14 §. 15. ff. junct. L. 27. C. de Inoff. testam. vid. tamen HERTII Dissert. de Fratris Germani Querela Inoff. adversus quoscunque. At vero Nullitatis Querelâ omnes ab intestato successuros, etsi iis non debeat legitima, experiri posse, extra omnem dubitationis aleam positum est. Neque ex generali ULPIANI propositione, qua in L. 6. §. 1. ff. de Inoff. Testam. ab intestato succedentes ad Querelæ intentatæ compendia admittere videntur, prædicta differentia destruitur, cum nexus hujus Legis satis monstret, non de illis, qui jus querendi, sed de illis, quibus rescisso per querelam testamento victoria prosit, ibi sermonem esse; Quæritur enim in Legge, si extraneus quis, qui nullum jus succedendi habet, querelam instituit, & casu quodam inopinato obtineat,

neat, cui prosit victoria? & respondetur: non vincenti, sed omnibus ab intestato successuris, quoniam, qui nullam successionis spem habet, everso per querelam Testamento, ab aliis, qui in successione potiores & proximiores sunt, omnino excluditur.

§. XL

Ad TERTIAM differentiam me nunc verto, quæ in eo consistit, quod Querela Nullitatis intra triginta annorum, spatium intentari possit. *L. 3. §. 7. C. de Prescript. 30 vel 40 annor.* At Inofficiosi Querelam intra quinquennium, ab adita hereditate computandum, præcisè instituendam esse, & eo elapso, nisi magna causa, actorem impediverit, penitus expirare in *L. 2. §. 10. §. f. ff. nec non L. 1. §. 2. C. de Inoff. Testam.* sancitum legimus. Ratio ejusmodi coarctati termini in hujus actionis odio consistit, cum testatorem per fictionem juris, quasi non sana fuerit mentis, arguat, cumque injuria exheredato iniqua exclusionis illata per eam vindicetur, ut ex mente PAPINIANI docet ULPIANUS in *l. 2. pr. ff. eod. tit.* exheredatus per silentium quinquennale injuriam remississe censetur. *L. 34. in f. C. de Inoff. Testam.* Quem juris Romani terminum quinquennalem etiam hodie usu obtinere, atque ipsos Saxones recepisse ex CARPZOVIO *P. 2. C. 3. def. 4. & STRICKIO in us. mod. ff. tit. de diversis temporibus Prescript. §. 1.* reddor

reddor certior. Noli tamen ex hac, quam prastruxi differentia, concludere, superiorem meam assertionem: Querelam inofficiosi hereditatis petitionis speciem esse, inde corrüere; ne quicquam enim, quo huic officiat, habeo, quod metum, cum ab hereditatis petitione ordinaria, quæ favorabilis, ac propterea ad XXX. annos extensa, ad extraordinariam, quæ odium habet conjunctum, atque ideo ad quinquennium fuit restricta, non valeat hæcenus consequentia.

§. XII.

QUARTAE differentiae locum faciunt VERIANVS in L. 6. §. 2. & PAVLVS in L. 7. ff. de inoff. testam. ubi querelam inofficiosi tum dentum ad heredes transmitti concedunt, quando ab ipso exheredato præparata fuit; Ex quo in regula constat, ut, exheredato ante præparatam querelam rebus humanis erepto ipsa quoque querela desinat; L. 36. in f. C. d. Inoff. Testam. Sicut autem nondum præparata esse dicitur, quando nec denunciatio facta, vel libellus nondum fuit exhibitus. L. 7. C. eod. vel nulla lis desuper mota L. 6. §. 2. ff. eod. Ita prælaudata regula, quæ jure Digestorum in universum obtinebat, postea a JUSTINIANO ex singulari, qua motus, æquitatis ratione, in L. 34. & L. 36. §. 2. C. eod. tit. idem jus, quod filio inique exheredato competeat, ad nepotem ita fuit extensum, ut

huic quamvis à patre ante aditam à scripto herede hereditatem mortuo non sit querela præparata, nihilo scilicet eadem adhuc agere liceat. At vero hæc ipsa LL. dispositio ad *Querelam nullitatis* profecti nequit, quippe quæ tantumquam remedium pinguius & favorabilius post aditam hereditatem intra XXX annos indistincte institui poterit, atque ad heredes omnes transmitti. Quæ omnia in foris adhuc hodie observari testis est mihi satis idoneus STRYCK. in *us. mod. ff. L. V. Tit. II. §. XI.* cum RICHTERO *Commentar. ad Auth. In testamento C. ad Sc. Tertullian. n. 26.* Neque infringit hanc differentiam CYPRIANUS REGNERUS, qui in *Censur. Belg. ad L. 7. ff. de Inoff. Testam.* hodie etiam querelam non præparatam ad heredes transmitti, existimat Nam per errorem manifestum & Querelæ Nullitatis & Inofficiosi confusione hoc factum esse, vel me non monente quilibet ipse confessum intelligit.

§. XIII.

QUINTAM nunc differentiam ut ostendatur ordinis ratio postulat, quæ sane insignis est, atque effectum utriusque remedii respicit. Scilicet evacuato & refofo per Querelam inofficiosi testamento, heredis solam corrumpere institutionem, legata & fidei commissæ vero, tutorisque dationem cum cæteris testamenti capitibus manere

nere integra, & ab actore victore nihilofecius præstari debere à JUSTINIANO in *Novella* excitata CXV. C. III. conceptis verbis sancitum legitur, quo ipso Jus Pandectarum expresse correctum, in quo ULPIANO & SCAEVOLA testibus in L. 8. §. 16. L. 17. §. 28. ff. de *Inoff. testam.* cuncta simul legata sive testamento pro nullo declarato, sive per querelam rescisso cadebant. Causam singularis hujus constitutionis suspicatur THOMASIVS ad tit. ff. de *Inoff. testam.* p. 103. eamque factum esse clericorum, ne simul corrue- rent legata ad pias causas, asserit; quod quidem non usquequa- que videtur probabile, cum de tutoris datione, ex- terisque, præter heredis institutionem, testamenti capitibus omnibus idem sancitum ibidem fuerit. At vero *Querela Nullitatis* intentata, obtenta causæ victoria, totum cum omnibus quoque legatis cæterisque capitibus labi testamentum, neque singularem Justiniani sanctionem ad hanc salvâ juris analogia provchendam esse, certum est quid? quod certissimum.

§. XIV.

Tu tamen hæc observa, hanc ipsam differentiam in iis saltem casibus, quibus testamentum ex alio, quam præteritionis vel non ritæ factæ exheredationis, capite, v. g. ob defectum potestatis, vel solennitatis extrinsecæ vel intrinsecæ, item si forsan illud destitutum vel irritum

fit, Querela Nullitatis impugnatur, locum sibi vindicare; Nam ratione horum casuum nullitatis Jure Novellarum nihil invenies correctum, quod de sola præteritione & exheredatione disponit, atque adeo, quæ de legatorum substantia ibidem sigillatim sancita, ad hos solos casus restringi, nulla vero ratione ad alia nullitarum capita extendenda, quia potius veteri juri citra Nullitatis vel inofficiosi differentiam adhuc non immerito inherendum, de cuius viridi usu hodierno practico confer, si placet, *CONSIL. ARGENT. P. 2. Conf. LVI. n. 10. CARPROVIUM P. 2. C. 2. def. ult. n. 2. cum JO. a SANDE Dec. Fris. L. 4. t. 4. def. 10.*

§. XV.

Hanc differentiam non minus alia notatu digna, quæ *SEXTA* est, excipit, quæ in eo posita, quod, qui querela inofficiosi sponte agit, & succumbit, omnia emolumenta, quæ ex illo testamento ex quocunque capite sperare potuisset, amittat, idque fisco, quasi indigno ablatum, cedat, juxta statutum *VLPJANI* in *L. 8. §. 14. ff. de inoff. de test.* junctæ *L. 17. §. 9. ff. de Jure Fisci*. Iniquum enim judicarunt leges romanæ eum beneficio paterno honorare velle, qui patris testamentum dementiae plenum esse proponit, id quod propter fictionem juris præse & semper jure veteri in Libello fieri oportuisse constat; ubi tamen pro temperando hoc juris rigore silentii peplo non involvendum, hanc dispositionem neque

ad illos, qui ex impositi officii necessitate de inofficioso quasi inviti & coacti, quales tamen in regulâ non sunt advocati *L. f. pr. ff. de Inoff. test.* egerunt, ut tutores. §. 4. *Inst. de Inoff. testam. & L. 30. ff. cod. tit.* nec ad eos, qui â lite ante latam sententiam quasi pœnitentia ducti, ultro destiterunt, non esse extendendam. Contra vero, qui Nullitatis remedio ultimum Patris impugnat elogium, etiamsi in causâ ab herede scripto fuerit victus, legata in eo sibi relicta non amittit, sed nihilo secius illa vindicare fas est conceptis verbis hoc ipsum inveniuntibus JCris in *L. 5. pr. §. 1. nec non L. 24. ff. de his quib. ut indign.* Ratio differentiæ manifesta est, quod, qui Remedio Nullitatis utitur, patris voluntatem dementiæ plenam non accuset, sed saltem de Jure an scil. exheredatio secundum ritum juris novissimi, vel alias solennitates facta sit nec ne, citra inguriam disputat, quæ secus se habere in Querela Inofficiosi, ex superius dictis apparet luculentius.

§. XVI.

Tum vero ex colore s. fictione dementiæ, quâ parentes a liberis testamenta Querela Inofficiosi impugnantibus, inculcabantur, promanasse dixi, quod legatis aliisve commodis in Testamento relictis, si succumbunt, tanquam indigni a fisco priventur, dubitari de usu hujus differentiæ eo magis posset hodie, quod contra VINNIUM *Commentar. ad Inst. L. 2. §. 1. 18. pr. COCCEJVM Jur. Controv. L. 5. §. 1. 2. TREVTLE-*

RVM in *Prax. Judiciaria* p. 72. OLDENDORPIVM *Cl. V. Añ. 2. §. 3. HVB*
BERVM Praelect. ad ff. L. 5. 1. 2. §. 4. à Dn. BOEHMERO tr. de Añ.
p. 125., HOMMELIO Diss. de Victoria Querela Inofficiosi tertio pro-
ficia §. 8., Hale MDCCXIX. habità SCHACHERO Colleg. Pr. tit.
de Inoff. Testam. p. 84. aliisve pluribus recte statuatur ejus-
 modi fictionis s. coloris dementiae mentionem in Libel-
 lo, injici in foris non esse opus, cum ipse JUSTINIANVS citra vi-
 ctionem Querelam jure Novellarum proposuerit; Ve-
 rum enim vero utur posterior hæc sententia recte se ha-
 beat; nihilo tamen fecius adhuc hodie ex indignitatis ca-
 pitæ legatum vel fideicommissum actorem querela hac fi-
 ctum amittere, elegans præjudicium confirmat apud STRY-
 CKIUM *ff. Mod. ff. L. 34. Tit. 9. §. 3.* atque usum practi-
 cum prædictæ differentiae inter Nullitatis & Inofficiosi Que-
 relam, quarum posterior etiamnum hodie injuriam con-
 tinet, satis aperte ostendit, sequentibus verbis, quæ ut ap-
 ponantur, operæ duxi pretium: Ob wohl nun angeführet
 werden mögte: Daß nach Recht derjenige, so des Verstorbenen
 letzten Willen vorzüglich angefochten, jedoch nachhero suchfällig
 worden, sich dessen, so ihm in sothanen letzten Willen beschiedeu
 worden, verlustig gemacht habe, wie insonderheit die ausdrückli-
 che Dispositio *L. 8. §. 14. ff. de Inoff. Test. & L. 13. §. pen. ff.*
de Jure fisci hierunter klare Masse giebet; Dieweil aber
 dennoch die angezogene Rechte nur von dem casu reden,
 wenn querela inofficiosi testamenti, und zwar jur Angebühr
 angestel-

angestellt worden, als wodurch dem defuncto durch die Beschuldigung, daß er inique & contra officium pietatis gehandelt habe, oder auch durch den vor Alters gebrauchten colorem, daß er nicht sanæ mentis gewesen sey, nicht geringe Beschimpfung, und injurie zugesüget wird, zu deren coercirung die leges die amissionem rerum in ultima voluntate relictarum, zur Straffe geordnet, so aber eine ganz andere Bewandniß hat, wenn die solennia eines Testaments impugniert werden, sientmahlen in solchem Fall des aus dem Testamento zu hoffenden lucri man nicht verlustig wird, nach Inhalt L. 1. pr. §. 1. ff. de his quæ ut indign. und dann dieselben ein mehrers nicht gethan, als daß sie einige Erinnerungen circa formalia eingegeben, hiernächst auch hierunter guten Grund gehabt, und nichts temere gethan, inmaßen dann der von ihnen erinnerte defectus heredis institutionis aus der disposition selbstn erhellet, in denen übrigen Puncten aber, das am 29. Jun. 1693. eröfnete Urtheil desselben einiger maßen beygefallen, und sie daher ohne dem mit der, denen zur Ungebühr ein Testament anscheidenden gesetzten Straffe nicht anzusehen sind.

So erscheinet daraus so viel, daß derselbigen Unmündigen dadurch, daß dieselben ein und anders wieder das quæstionirte Testament erinnert, an ihrem Erb-Recht nichts geschadet, noch sie dessen verlustig worden. Atque hæc ipsa de differentiis utriusque remedii in medium protulisse sufficiant, Plures

Plures adhuc ostendi facile possent, sed ob temporis angustiam filum abrumpere jubeor. Faxit D. T. O. M., ut quantulacunque hæc conamina in ejus gloriam, meamque salutem cedant feliciter!

T A N T V M.



DISSERTATIO IVRIDICA
DE
TESTAMENTO
PER
PROCVRATOREM NON OFFERENDO

QVAM

PRAESIDE

WOLFGANGO ALBERTO SPISIO

L. V. D. INSTIT. IMPERIAL. P. P. COLLEG. ICTORVM
ASSESS. ORD. H. T. DECANO

AD D. XXIII. MAII A. R. S. CIOIOCCXXXII

DISQVISIONI ERVDITORVM

SVBMITTIT

CAROLVS ALEXANDER à GADOMOVO GADOMSKI

NOBILIS POLONVS

VERITATIS CONFESSOR

PHILOSOPH. ET IVRISPRVD. CVLTOR

ALTORFII

LITERIS IOHANNIS ADAMI HESSELI

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL



Q. D. B. V.

§. I.



eminem, qui vel prima Iurisprudenciae limi- Proponi-
tur quae-
stio con-
troverfia.
na salutavit, fugit illustris illa controversia
super quaestione: *Utrum in testamento Principi vel Iudici oblato praesentia testatoris adeo sit necessaria, ut sine ea testamentum plane non subsistat? An vero oblatio etiam per procuratorem sufficienti mandato instructum sine periculo fieri queat?* Prius communi fere Doctorum

consensu traditum fuit, usque dum B. SAMUEL STRYKIVS hanc sententiam ex instituto oppugnatum ivērit in singulari *Dissertatione, de testamento Principi vel Iudici per procuratorem oblato*, in in-
clyta Viadrina A. 1684. habita, postea *Cautelis Testamentorum Cap. VIII.* inserta, ex quo tempore plures magni nominis et auctoritatis Viri Strykianam sententiam suo calculo comprobaverunt, quos inter eminent Vir illustris IVST. HENNING. BOEHMERVS et B. IAC. FRIDER. LVDOVICI ad *Dig. Tit. qui testam. fac. poss.* nec non B. GEORG. BEYERVS ad *Inst. Tit. de testam. ordin.* Communem tamen opinionem propugnavit, respondendo ad rationes STRYKII quamvis non nominati, B. GOTHOFREDVS BARTHIVS in *Dissertatione, de testamento Comiti oblato*, Lipsiae A. 1689. ventilata, et quidem *Cap. IV.* cuius argumenta modo laudato BEYERO *l. c. pos.*

29. *not. o.* erudita quidem, sed nondum talia videntur, quae STRYKII assertum infringant. In hac Doctorum disensione nobis communis sententia a BARTHIO defensa verior et juri convenientior videtur, quam proinde in praesenti Disertatione firmare magis ac stabilire conabimur, ita quidem ut primum sententiae nostrae fundamenta, missis quae ad rem non faciunt, in medium proferamus, eademque simul contra objectiones adversariorum defendamus, postea vero ad contrariae sententiae argumenta sigillatim respondeamus.

§. II.

Quid h. l.
denotet te-
stamentum
oblatum?
quid pro-
curator?

Status con-
troversiae.

Non est opus, ut, quod communiter fieri solet, circa ex-
plicationem vocum in rubro occurrentium multum haerema-
mus, cum illae per se omnibus pateant. Illud tantum hic mo-
nendum duximus, nos in hac tractatione de testamento oblato
loquentes utramque ejus speciem intelligere, nimirum tam
Principi, quam Iudici, sive ad Acta, oblatum: quemadmo-
dum etiam procurator quamcunque personam intermediam,
sive privata sive publica fide et auctoritate pollentem, nobis de-
notat. Quibus praemisissis ad ipsam statim quaestionem pro-
positam aggredimur. Non autem de eo sermo nobis est:
utrum Princeps legem condere possit, qua procurator ad testa-
menti oblationem recte admittatur? id enim facile lubenterque
concedimus, licet ejusmodi legem cum principiis jurispruden-
tiae legislatoriae minime convenire persuasi simus. Multo mi-
nus de eo quaerimus: utrum in illis locis, ubi speciali lege vel
consuetudine testamenta per procuratorem offerre licet, testa-
mentum hoc modo conditum valeat? nam et hoc ex anteceden-
ti per se liquet. Verum in hoc status controversiae consistit:
utrum de iure Romano, cui testamenta oblata suam debent originem,
per procuratorem oblatio fieri possit, ita ut, si testamentum tali modo
conditum fuerit, pro ejusdem validitate pronuntiari debeat? Id quod

ex rationibus iam deducendis negare prorsus non dubitamus.

§. III.

Cum vero omnium firmissima sint argumenta , quae ex ipsis legibus earundemque rationibus derivantur, ante omnia dispiciendum erit de illa lege, qua usus testamentorum oblatum invaluit. Haec autem est notissima Constitutio Impp. NORII et THEODOSII, lata A. C. 413. (prodiit ad hunc annum refertur in Chronologia Legum Romanarum recentioribus Corporis Iuris editonibus, quae Lipsiae prodierunt, praemisâ; certe falsissimam esse vulgatam lectionem A. 499. exprimentem, nemo non dubitabit, cum uterque Imperator multo ante vivis jam excesserit, conf. IO. OTTO TABOR in *Tr. de testamento Principi aut Comiti oblato*, Cap. 1. th. 5.) extans in L. 19. C. de testamentis, quae, quamvis principaliter et dispositive de testamentis Principi offerendis agat eorumpue usum noviter introducat, (quod testamentorum genus exinde Theodosianum multis audit) de testamento judiciali autem incidenter solum et enarrative, tanquam de re antea jam usitata, mentionem faciat, non immerito tamen pro fonte et sede utriusque testamenti oblato habetur, cum antiquior eorum, neque in Codice nostro repetitae praelectionis, neque in Theodosiano, non extet memoria, Adeoque quae de una testamenti oblato specie hic sanciuntur, etiam ad alteram ejusdem speciem non sine fundamento applicari possunt. Quam legem, cum in hac disquisitione saepius ad eandem recurrendum nobis sit, integram huc, ut statim ob oculos et ad manus sit, transcribendum esse duximus, subjuncta, ubi opus erit, succincta explicatione.

§. IV.

Ira autem sanxerunt dicti Imperatores: *Omnium testamentorum* (tam Civili, quam Praetorio jure conditorum) *solennitatem* Textus legis cum Prae-raprafi,

cernam) *superare videtur*, (scil. illud testamentum) *quod insertum* (sive adjunctum) *mera fide* (haec verba plurimis quidem interpretibus idem denotant ac sincera fide vel sinceriter, et intelliguntur de precibus oblati, a quibus omnis fraus, calliditas et subreptio procul abesse debet; ar Cel. IAC. GOTHOFREDVS ea ad ipsum testamentum precibus insertum referenda esse docet atque idem significare, ac plena, solida fide, quae plenam fidem meretur, plenissima animi contestatione, citra omnem solennitatem, citra inanem verborum conquisitionem, citra formulam juris) *precibus inter tot nobiles probatasque personas* (puta Consistorianos Comites, vel alias personas, quae Principis latus stipare solent) *etiam conscientiam Principis tenet.* (idein est ac si Imp. dixissent, quod praeter testimonium tot nobilium personarum ipsius adeo Principis scientiae et fidei commissum est) *Sicut ergo securus erit, qui actis cujuscunque judicis aut municipum* (ad quos nimirum ea negotia spectabant, et quibus acrorum publicorum conficiendorum habebant) *aut auribus privatorum mentis suae postremum publicavit* (i. e. declaravit) *judicium: ita nec de ejus unquam successione tractabitur* (disceprabitur, vel disceptare licebit) *qui nobis mediis* (praesentibus seu intervenientibus) *et toto jure* (quod in nostris scriniis) scil. Rescriptorum et Libellorum, uno verbo, Archivo) *est constitutum* *teste* (testium fidem supplente; imo superante, ita ut fides talium literarum in dubium non magis revocari possit, quam ipsius juris) *succedit.* *Nec sane illud heredibus nocere permittimus, si Rescripta nostra nihil de eadem voluntate* (testamento precibus inserto) *responderint.* *Voluntates enim hominum audire volumus, non jubere: ne post sententiam nostram inhibitu videatur commutationis arbitrium: cum hoc ipsum, quod per supplicationem nostris auribus intimatur, ita demum firmum sit, si ultimum comprobetur, nec contra judicium suum defunctus postea venisse debeat.* *Ne quid sane praetermississe credamur: hujusmodi insti-*

institutionis successoribus designatis, omnia quae scriptis hereditibus competunt, jubemus eos habere, nec super bonorum possessionis petitione ullam controversiam nasci: cum pro herede agere cuncta sufficiat, et jus omne ipsa complere aditio videatur. Omnibus etenim praestandum esse censemus, ut libero arbitrio, cui testandi facultas suppetit, successorem suum oblati precibus possit declarare: et stabile sciat esse quod fecerit. Nec institutus heres perimescat, cum oblatas preces secundum voluntatem defuncti (de sensu horum verborum infra pluribus dispiciemus) idoneis testibus (nimirum tot nobilibus probatisque personis, ipso medio Principe, et toto jure, in scriniis ejus constituto, teste) possit approbare, si ei alia (v. g. inhabilitas testatoris, vitiosa haereditis institutio, agnatio posthumi, et id genus alia, quae testamentum nullum vel irritum redunt) nocere non possunt. Hactenus *Lex 19. C. de testam.* cujus uberiolem explicationem qui desiderat, adeat quaeſo DIONYS. GOTHOFREDVM aliosque Commentatores ad *h. l.* potissimum vero IAC. GOTHOFREDVM, DIONYSII filium, in eruditissimo *Commentario ad Codicem Theodosianum* ad *L. 6. de inoffic. testam.* Conferri etiam potest supra laudatus TABOR *Tr. cit. Cap. 11.* ubi termini hujus Constitutionis intellectu paulo difficiliore, collatis diversis Doctorum sententiis, late explicantur.

§. V.

Quod si nunc hujus Legis dispositionem attentius intueamur, facile exinde veritatem sententiae nostrae demonstrare licet, praesertim si occasionem ejus condendae simul ob oculos nobis sistamus. Maxima nimirum saepius occurrebat difficultas convocandi testes ad testamentum rite legitimeque condendum necessarios, praesertim in turbulento isto statu, cum quo istis temporibus Imperium Romanum conflictabatur. Praeterea cum juris antiqui causelam paulatim mutares posteritatis impetrata praesumptio, et testes exigere omnino, quae testamento consenserat, agnoscere, eores procesis, ut, dum suam quisque nonnunquam iudicium

Ratiſſima, desumpta ab intentione Legis, nihil nisi externam solennitatem testamentorum remittentis.

dicia publicare formidabat, dum testibus testamenti sua non audebat secreta committere, ne suis facultatibus inbiantes offenderet, intestatus mori, quam suae mentis arcana periculose pateretur exprimere, testante hoc THEODOSTO in Novella IX. de testamentis. Et licet etiam hac ex parte nihil timuerit testator, tamen verendum erat, ne tabulae testamenti vel interciderent, vel malam corruptoris sive falsarii manum experirentur. Quemadmodum ergo jam ante alii Imperatores subtilitati et nimiae miseraeque diligentiae, in solennitate testamentorum interna, puta heredis institutione, observandae, medellam attulerunt, vid. l. 15. C. de testamentis: ita nunc Impp. HONORIUS et THEODOSIUS incommodis et periculis, ob externam testamentorum solennitatem metuendis, obviam ire voluerunt statuendo, ut, quemadmodum antea testatores ultimam suam voluntatem coram testibus declarare debuerunt, ita in posterum coram Principe vel Iudice hoc facere eis liceret, atque adeo sacra scrinia vel acta judicialia supplerent vicem testium. Ex quibus manifesto constat, Impp. nihil mutare voluisse, nisi formam vel solennitatem externam testamentorum Iure Civili et Praetorio olim introductam, cui aliam faciliorem non tantum, sed et tutiorem, in favorem testantium surrogarunt. Tantum itaque abest, ut de solennitatibus internis aliisque justorum testamentorum requisitis quidquam remiserint, ut potius ea omnia in hac ipsa Constitutione confirmarint, in verbis finalibus, si ei (scil. heredi) alia nocere non possunt; quae verba sane certo certius probant, Imperatores testamenta coram ipsis condita non aliter valere voluisse, quam si alia omnia, quae, praeter testes, ad testandum iura requirunt, (inter quae praesentia testatoris primum est) fuerint observata. Vnde certe mirandum est, claram hujus Legis dispositionem ad ea, de quibus Legislatores nunquam cogitarunt, ab adversae sententiae defensoribus extendi, contra notissimam juris regulam,

gulam, quae leges correctorias strictissime interpretari jubet. Nescio ergo, an argumento huic satisfecerit STYKIVS in *cit. Cap. Cautel. Contract. §. 31.* dum ipsam quidem thesin, *acta supplere vicem testium*, largitur, consequentiam vero inde deductam, *E. quod ratione testium, idem quoque ratione Principis vel Iudicis observandum*, negat, et quidem ex hac ratione, quia *comparatio actorum et testium ratione effectus intelligenda, non ratione modi, quo negotium geritur*. Nam haec ipsa ratio gratis adducitur, nec uspiam in Iure nostro extat, testamenta coram Principe vel Iudice alio, quam coram testibus privatis, modo declarari posse: quin imo cum novum hoc testamenti genus eum in finem inventum fuerit, ut defunctorum voluntates eo facilius certiusque probari possint, certe hanc ipsam voluntatem rite legitimeque ante declaratam voluisse Imperatores, statuamus necesse est. Quare quousque contrarium probatum non fuerit, firmo stat talo haec sententia: qua ratione voluntas testatoris coram testibus declarari debet, eadem ratione etiam coram Principe vel Iudice erit declaranda. Vnde argumentum STYKII subsequens: *si, quod privatorum auribus insinuatum est, testamentum subsistit; cur non magis subsisteret, quod Imperatore medio et toto iure teste conditur?* sub limitatione hac in ipsa Lege expressa tantum procedit, *si alia nocere non possunt*.

§. VI.

Haec, quae modo adduximus, magis adhuc firmari ex eo possunt, quod ipsi Imppp. in *L. 19. C. de testam. judiciale* cum privato, et utrumque hoc cum testamento Principi oblatum, compararint, ita edicentes: *sicut ergo securus erit, qui actis cujuscunque judicis aut municipum, aut auribus privatorum, mentis suae postremum publicavit judicium: ita nec de ejus usquam successione tractabitur, qui nobis mediis, et toto iure (quod in nostris*

Ratio illa;
a compara-
tione tes-
tamenti
privati et
publici.



est scriptis constitutum) teste succedit. Ex quo satis apparet, Legislatores testamenta privata et publica ad paria judicari, et, praeter testes, nullum inter ea discrimen admitti voluisse. Vnde argumentum a comparatis rectissime procedit hoc modo: quemadmodum testamenta privata coram testibus convocatis condita valent, ita etiam publica, quae apud acta judicialia vel apud ipsum Principem componuntur, suam obtinere debent firmitatem. Sed non valent testamenta privata, nisi ipse testator praefens voluntatem suam declaraverit, vid. L. 9. L. 12. L. 21. C. *de testam.* Ergo etiam publica non aliter subsistunt, quam a ipsis testantibus Principi vel Iudici oblata. Quae contra haec a STRYKIO l. c. §. 30. regeruntur, argumentum nostrum minime infringunt. Licet enim concedamus, rationes *de testamento in alienum arbitrium non conferendo*, quae ex L. 32. D. *de hered. institis.* et L. 52. D. *de condit. et demonstr.* depromuntur, ad nostram quaestionem non quadrare, cum aliud sit voluntatem suam in alterius arbitrium conferre, aliud voluntatem suam per aliam personam declarare; negamus tamen, *disparem*, quoad personam testantis, *adesse rationem, ob quam testamenta publica et privata fiant disparata.* Non enim alia ex Lege nostra apparet diversitas horum testamentorum, quam quae in forma externa consistit: privata subsistunt solennitate privata testium, publica vero solennitate publica, in locum privatae surrogata, gaudent, ut adeo testamenta Principi vel Iudici oblata aequè pro solennibus, imò magis solennioribus, habenda sint, ipso hoc fatente STRYKIO in *Cautel. Contract. Cap. VII. §. 1.* CONTRA LAVTERBACHIVM in *Diff. de testamento judiciali*, §. 4. ita ut mirandum sit, laudatum STRYKIVM b. l. statuerè, *remissa esse* (in testamentis publicis) *omnia, quae solennitatem sapiunt*, cum tamen solennitas tantum privata remissa fuerit. Extra hanc itaque solennitatis differentiam nullum aliud inter privatum et pub-

publicum testamentum intercedit discrimen, sed ab illo ad hoc firmiter procedit consequentia : potissimum vero in utroque *voluntatis certitudo*, sive, ut de voluntate testatoris certo et indubitate constet, requiritur. Quod cum ipse STRYKIVS non possit non affirmare, alii iudicent, annon sibi ipse sit contrarius, cum sine testatoris praesentia de ejusdem voluntate nunquam certo constare possit.

§. VII.

Et hoc ipsum est, quod jam uberius demonstrare contemdemus ostendentes, finem, quem Impp. legem hanc sanciendo intenderunt, obtineri non posse, nisi ab ipso testatore Principi vel Iudici offeratur testamentum. Nimirum supra jam §. V. monuimus, HONORIVM ET THEODOSIVM id voluisse, ut non solum facilius, sed et securior redderetur testandi facultas, ita ut nec testatori de interitu, corruptione vel suppositione, in posterum amplius sit metuendum, sed ille *stabile scias esse quod feceris*, nec *instituto heredi pertimescendum, ut de ejus unquam successione tractaretur*: non aliam ob causam, quam quia de voluntate defuncti, ex testamento in scrinia Principis vel Iudicis relato, certo constat, propter summam et exuberantem Iudicis, multo magis Principis, fidem. Plenissima itaque testamentis oblati data fuit securitas, nec ulla de certitudine voluntatis defuncti dubitatio, multo minus in contrarium probatio, locum habebat, quae tamen contra testamentum privatum admittebatur. Ast quomodo haec securitas testamento Principi vel Iudici oblato obtingere potest, si non ipse testator, sed alius quidam ejus nomine offert? Anne tunc certo et indubitate, sine formidine contrarii, de testantis voluntate constat? Nonne metus fraudis aut suppositionis, a procuratore offerente commissae, perpetuo manebit? Quis itaque ausit affirmare, Imperatores necessitatem, ut ipsi testatores compareant, et ultimam suam voluntatem

Ratio illius a fine Legis, nimirum securitate testamentum,



exponent, remittere, et tale quid indulgere voluisse, quod cum fine novae legislationis directe pugnat? Equidem haec omnia in dubium vocare contendit STRYKIVS *cit. loc. §. 33.* asserens, *omnem fraudis vel falsae suggestionis suspicionem tunc cessare, quando testator in praesentia testium specialiter ad hoc requisitorum tradit procuratori testamentum insinuandum:* verum enim vero, quis dubitaverit, hos testes aequae ac ipsum procuratorem corrumpi, vel subornari posse? Et si fides hujus testamenti postea impugnatur, quomodo probari poterit certa testatoris voluntas? Sane neque procurator, neque ipsi etiam testes, idonei testes erunt, cum in propria causa testimonium perhibeant: Princeps autem vel Iudex nihil aliud, nisi nudum factum oblationis, probabit, de ipsa vero testatoris voluntate ejusque, certitudine non ex sua scientia, sed tantum de auditu et relatione aliorum, (procuratoris scilicet, et testium) testabitur, quale testimonium per notissima jura nihil probat. Fieri ergo non potest, ut ultimae defunctorum voluntates aliter probentur, quam si testes in testamento privato, et Princeps, vel Iudex in testamento publico, ipsum testatorem viderint, et ex ejus ore declarationem hanc voluntatis perceperint; adeoque contradictio (quod ajunt) in adiecto esse nobis videtur, quod STRYKIVS *l. c. §. 34.* statuit: *certam testatoris voluntatem adesse et probari posse, etiamsi praesentia testatoris non accesserit.* Optimo potius jure affirmare licet, praesentiam testatoris, vel coram testibus, vel coram Principe aut Iudice, testantis non tam ad solennitates, quam ad essentialia testamenti requisita ipso jure Gentium necessaria pertinere, praesertim ubi de testamento legitime condendo, uti in hac nostra quaestione, agitur.

§. VIII.

Ratio IVta
ex ipso le-
gis textu,

Cum itaque ex hactenus deductis de ratione *Legis 19. C. de testamentis* abunde nobis constet, plane non dubitamus, nunc

nunc etiam ad ipsa ejus verba, prouti jacent, tuendae sententiae nostrae gratia provocare, siquidem haec, nisi vis eis inferri velit, non aliter, quam de ipsa testatoris persona, intelligi queunt. Audiamus quaeso Imperatores sub initium statim hujus Constitutionis ita loquentes: *sicut ergo securus eris*, (scil. ille testator) *qui actis cujuscunque judicis aut municipum, aut auriibus privatorum, mentis suae* (non itaque alienae, quod procurator facit) *postremum publicavit* (declaravit, vel, uti Imp. VALENTINIANVS in Novella IV. de testamentis loquitur, composuit) *judicium: ita nec de ejus successione* etc. Quae verba, cum securum eum esse jubeant, qui publicavit ultimam voluntatem, certe non de procuratore capienda sunt, de cujus securitate in testamento minime agitur, sed de ipso testatore, ut nimirum ille *stabile scias esse, quod feceris*. Id quod multo magis ex eo probari potest, quod in hoc loco testamenta judicialia et privata conjunguntur: jam autem, cum, omnibus fatentibus, in testamento privato requiratur praesentia ipsius testatoris, quis quaeso praedicatum hoc, *postremum publicavit judicium*, in una eademque propositione de diverso subjecto, in testamento privato scil. de persona testatoris, in testamento publico vero, de procuratore, accipiendum esse statuat? Porro circa finem ait Lex: *Omnibus etenim praestandum esse censemus, ut libero arbitrio, cui testandi facultas suppetit, successorem suum oblatis precibus possit declarare*, etc, id quod sane idem est, ac si Imp. dixissent, possit preces offerre, et in his successorem suum declarare, in quo omnes facile consentientes habebimus. Haec omnia quidem ipse STRYKIUS in dubium vocare non audet, sed illud tantum opponit: *si ipse fecisse dicitur, qui fecit per alium, cur non et ipse publicasse vel obtulisse dicatur, qui id fecit per alium?* Verum hanc regulam in doctrina de testamentis condendis locum non habere, ad praecedentem paragraphum jam monuimus, et infra pluribus adhuc

huc asserimus: quare argumentum STRYKII non procedit, cum illud, quod adhuc est in quaestione, pro ratione non sit supponendum.

§. IX.

Recensentur reliqua argumenta, pro communi sententia affertur solita.

Atque haec sufficere putamus ad probandam sententiam, procuratorem ad testamenti oblationem non admittentem; reliqua, quae ad eam corroborandam insuper afferuntur, vix tanti momenti esse arbitramur, ut inter argumenta probantia locum mereantur. Quod enim a *testamentis in Calatis Comitibus conditis* defumitur argumentum, erroneo hoc nititur fundamento, quod in eorum locum testamenta, quae Principi offeruntur, successerint, cum tamen complura ante secula, quam testamenta Principi vel Magistratibus oblata invenirentur, testamenta in comitiis condi solita in defuetudinem abierint, notante hoc contra VIGLIUM, et hunc secutum VINNIUM B HEINECCIO ad §. 1. *Inst. de testam. ordin. num. 1. et 4.* Praeterea licet in eo conveniant testamenta in Calatis Comitibus condita et testamenta Principi vel Iudici oblata, quod utraque publica auctoritate sustineantur; attamen maxime in hoc differunt, quod illa fiebant per modum legis, qua legibus de hereditatibus intestatorum quasi derogabatur, haec e contrario vim et auctoritatem suam ex facultate testandi, Legibus XII. Tabularum patribusfamilias jam concessa, consequantur. Non aliter ergo hoc argumentum concludit, quam quatenus probat, testamentum in Calatis Comitibus ab ipso testatore fuisse proponendum: verum hac ratione non erit diversum a generali illo argumento a comparatione aliorum testamentorum sumpto, quod supra jam §. VI. proposuimus. Magis adhuc imbecilla porro est ea ratio, quae ex verbis legis, *voluntates hominum audire volumus*, hauritur: nam hoc loco *audire*, non opponitur *legere*, sed *intendere*, adeoque idem ac *percipere* denotat, id quod

quod de voluntate, tam ab ipso testatore, quam per procuratorem, declarata intelligi poterit; quamvis vocabulum *audire*, etiam si in proprio sensu accipiatur, procuratorem in oblatione testamenti intervenientem non excludat, quia omnis ultima voluntas in scriptis oblata, non secus ac alia instrumenta sive scripturae, recitabatur sive legebatur, antequam in archivum reponeretur. Nihil denique roboris accedit sententiae nostrae ex *communi opinione*, cum non tam auctoritatibus, quam ratione et legibus, utendum sit, siquidem communis opinio saepissime communis est error, multitudo autem errantium errori non parit patrocinium.

§. X.

Restat nunc ut de rationibus STRYKII in contrarium adductis dispiciamus, in quo eo breviores erimus, quo magis hoc a supra laudato BARTHIO in *cit. Diff. Cap. IV. n. §. 5. usque ad §. 15.* *inclus.* jam fuit praestitum, ita ut tantum omissa quaedam suppleamus, et per modum spicilegii in medium proferamus. Prima itaque ratio STRYKII haec est, quod *in omni civili negotio, specialiter non excepto, procurator admittatur speciali mandato instructus, ita ut actus aequae subsistas gestus a procuratore, quam ab ipso principali.* Sed respondemus, testamenti declarationem sive publicationem esse ejusmodi negotium specialiter exceptum, ob innumeras fraudes, quae tuto praecaveri non possunt, nisi ipse testator praefens ultimam voluntatem suam condant. In aliis enim negotiis, ubi a procuratore vel mandatario dolus vel praevaricatio admittitur, facile hoc pervenire potest ad noticiam principalis vel mandantis; at quomodo testator, qui post insinuationem testamenti procuratori mandatam statim decessit, fraudem commissam resciscet? Nec obstat, quod tamen non expresse in Legibus cautum sit, ne procurator ad testamenti oblationem admittatur: plura enim negotia occurrunt, ad quae procurator non

Respondetur ad Rationes

STRYKII.

Ratio Ima



non admittitur, etiamsi legibus hoc expresse non sit prohibitum; verbi gratia, testis a parte productus ipse in iudicio comparere; suumque testimonium eloqui debet, et tamen leges hoc nupiam ita requirunt, ut simul procuratoris non admittendi mentionem faciant. Sufficit itaque hic adesse tale negotium, quod ipsam prohibitionem jam involvit. Sufficit praeterea, quod in testamentis privatis praesentia testatoris requiratur, quam in publicis testamentis eo minus remisisse Legislatores censendi sunt, cum eam ne quidem in testamentis privilegiatis, v. g. testamento tempore pestis, item ruri, condito, quae tamen secundam formam juris communis facilius commodiusque per procuratorem condi potuissent, remissam voluerint.

§. XI.

Ratio illa.

Secundum argumentum STRYKII: *quicunque actus per supplicationem aut oblatas preces poterit expediri, ille non exigit praesentiam personae*, falsa nititur consequentia. Ut enim taceamus, vocabulum supplicationum et oblatarum precum non necessario de literalis, sed interdum et verbali supplicatione, quae sine praesentia supplicantis concipi nequit, esse intelligendum; certe non sequitur, quod, quandocunque necessitas, oretenus sua desideria exponendi, remissa est, etiam necessitas, preces suas coram offerendi, eo ipso remissa sit, id quod in testamento, per preces offerendo pernegamus. Quemadmodum enim in ipso testamento, ita etiam in supplicatione, fraudes et falsa committendi, procuratori non deest occasio, ut adeo Princeps vel Magistratus nunquam certi esse possint, an id, quod in precibus oblatis continetur, sit de voluntate testatoris, de qua tamen certissime constare potest, si ipse testator preces offerat, et in his successorem suum designet.

§. XII.

Ratio illa.

Tertium argumentum STRYKII tale est: *Nihil ad formam, vel essentiam negotii civilis pertinet, nisi quod Lege est expressum. Atqui*

qui vero in testamento sive Actis sive, Principi oblato, nullibi tale quidpiam exigitur, sed praesens testatoris sufficere dicuntur. Ergo non admittit favor ultimarum voluntatum, ut praecise praesentiam testatoris desideremus. Sed multa sunt, quae moneri et opponi hic possunt. Et quidem ante omnia, quid hoc loco denotet *negotium civile*, investigandum est: aut enim sub eo tale negotium intelligitur, quod Iuri Naturali plane incognitum et Iuredemum Civili introductum est, et ex hoc suam substantiam capit; aut talis actus innuitur, qui quidem, quoad essentiam, jam est Iuris Naturalis, sed tamen a Iure Civili diversimode determinatus existit. In posteriore hac significatione si accipiat terminus *negotii civilis*, maiorem quidem negamus: non enim necesse est, ut lex civilis ea, quae jam de Iure Naturae ad actum aliquem requiruntur, expressis verbis denuo inculcet, sed ea tantum, quae a Iure Civili insuper introducuntur, in lege contineri debent. Quod si vero *negotium civile* in priori sensu sumatur, tunc maiorem quidem concedimus, sed negamus, testamenta esse talia negotia civilia, cum ea originem suam utique Iuri Naturali debeant, et demum a Iure Civili, ratione modi vel solennitatis internae et externae, novam faciem acceperint. Itaque cum etiam Ius Naturae requiratur, ut, si quis in praesentia testium ultimam suam voluntatem declarare velit, coram his ipsis testibus compareat, cum in finem, ut hi ex ore ipsius testatoris ejus intentionem audiant, adeoque de eadem ex propria et certa scientia testari possint; certe nihil refert, utrum hoc requisitum in legibus civilibus expressum an omisum sit, dummodo nulla in contrarium extet dispositio. Sed ne hoc quidem concedere possumus, quod de praesentia testatoris plane sileant Iura nostra, quin potius illa expresse requiratur in supra cit. L. 9. L. 12 et L. 21. C. de testamentis. quae leges, cum generaliter de omnibus testamentis ante



latam *Legem* 19. *C. eod. tit.* usitatis loquantur, etiam ad novum hoc testamentorum genus, in locum istorum surrogatum, applicari merito debent, secundum tritum illud axioma: surrogatum sapit naturam ejus, in cujus locum surrogatur. Quamobrem optimo jure hoc argumentum contra STRYKIVM invertere possumus hoc modo: quidquid ad formam vel essentiam actus alicujus, secundum claram legum dispositionem pertinet, nec tamen expressa lege contraria abrogatum est, illud merito adhuc observari debet.

§. XIII.

Ratio IVta. Quartum, quod STRYKIVS profert, argumentum, inde derivatum est, quod in testamento Principi vel Iudici oblato omnis solennitas, quae alioquin in testamento exigebatur, sit remissa, id quod quidem de solennitate externa facile concedimus. Sed quis praesentiam testatoris ad solennitatem unquam referre audebit, quae potius ad substantiam et essentiam testamenti pertinet, ita ut ne quidem in testamento omnium maxime privilegiato, testamento scilicet militari, in quo non tantum solennitates externae, sed et internae omnes sublatae fuerunt, illa remissa sit. vid. *L. 24. et L. 40. D. de testam. milit.* Recte itaque CARPZOVIVS in *Jurispr. forens. Part. III. Constit. III. def. 23. num. 6.* statuit: non putandum, remissis solennitatibus circa testes in testamento judiciali, illud etiam censei remissum, quod ad fraudes removendas et conservandas testantium voluntates adinventum est, nempe ut ipsemet testator coram actis voluntatem suam exprimat et declaret. Add. MEYIVS in *Comment. ad Ius Lubec. Part. II. Tit. 2. art. 2. num. 86.*

§. XIV.

Ratio Vta. Quinto sententiam suam probare contendit STRYKIVS ex verbis finalibus *L. 19. C. de testamentis*, ubi dicitur: *nec institutus heres pertimescat, cum oblatas preces secundum voluntatem*

tatem defuncti idoneis testibus possit approbare, quae verba de precibus per procuratorem secundum voluntatem defuncti oblati intelligenda esse, cum TABORE cit. Diff. Cap. II §. 15. et Cap. III. §. 9. statuit, atque exinde infert, penitus hic momentum non constitui in praesentia vel absentia, sed tantum in oblatione secundum voluntatem testatoris; atqui vero sic procuratorem intervenire posse, non dubitandum. Sed salva res est. Quominus enim haec verba, secundum voluntatem defuncti, de testamento per procuratorem oblato explicari possint, obstat connexio hujus periodi cum proxime antecedente, in qua de securitate testatoris ex testamento oblato praestanda Lex ita loquitur, ut non possit non de precibus ab ipso testatore oblati intelligi. Quis itaque putaret, Imperatores in proxime sequentibus de securitate heredis, tanquam correlati testatoris, locutos, alium et plane novum casum ob oculos habuisse, de quo in tota lege ne verbum quidem occurrit, et quem omni procul dubio multo clarius et certius expressuri fuissent. Alium ergo plane sensum habere debent verba hujus ultimi paragraphi, de quo ipso tamen in diversas abeunt sententias Interpretes. Quidam, inter quos BARTOLVS, CASTRENSIS ET ALBRICVS ad h. l. putant, in dict. vers. ult. ad probationem insinuationis duos testes in ipsa insinuatione adhibendos requiri, qui preces legerint et contenta didicerint, quae sententia tamen merito reprobatur, cum secundum ipsa Legis verba testamenta oblata sola Principis et nobilium personarum ad latus ejus sedentium praesentia sustineantur, nec ullis aliis testibus opus habeant. Alii e contrario de probatione per ipsum Principem ejusque Constistorii Assessores, coram quibus oblatum est testamentum, facienda hunc locum explicant, uti DONELVS in Comment. Cod. ad h. l., ac quid sibi velint verba, secundum voluntatem defuncti, silentio praeterunt. Diversam ab his am-

plectitur sententiam EARTHIVS in *Diff. de testamento Comiti oblato*, Cap. IV. §. 15. existimans verba d. L. 19. finalia accipienda esse de eo casu, si testamentum quidem in archivo reperitur, sed ignoretur quis eo deposuerit, utpote in quo casu praesentatio et receptio testamenti duobus ad minimum testibus probanda erit. Verum et haec explicatio rationi Legis contraria est, quae securum esse jubet testatorem, simul ac precibus testamentum obrulic, adeo, ut eo ipso, dum testamentum in sacris scriniis reperitur, satis probata sit oblatio et receptio precum, et his inferti testamenti. Nos nulli horum Interpretum subscribimus, sed aliam, novam quidem, at maxime naturalem et a propria verborum significatione minime recedentem, explicationem eligendam duximus, nimirum ut verba, *secundum voluntatem defuncti*, referamus non ad proxime antecedentia verba, *oblatus preces*, sed ad subsequencia, *idoneis testibus possit approbare*, ut adeo sensus huius finalis periodi hic sit: *non pertimescat institutus heres, cum (i. e. quia) oblatus preces (et his inferum testamentum) possit (potest) approbare idoneis testibus* (scil. tot nobilibus probatisque personis, ipso medio Principe, et toto jure, quod in sacris scriniis est constitutum, teste) *secundum voluntatem defuncti*, (i. e. quemadmodum ipse testator suum testamentum hoc modo probari voluit, dum fidei Principis, et tot nobilium personarum illud commisit.) Hac ratione non opus est, Legi novam plane speciem affingere, aut criticam, cum BRUNNEMANNO in *Comment. ad h. l. num. 4.* adhibere manum, nec tamen verba, *secundum voluntatem defuncti*, otiosa, vel plane aliena erunt.

§. XV.

Ratio VIta. Ad sextum argumentum STRYKII, *adesse certam declarationem voluntatis testatoris, et ejus probationem in testamento per procuratorem oblato*, simpliciter negando respondemus, referentes

nos ad ea, quae jam superius §. VII. diximus. Licet enim testamentum illud, quod a procuratore nomine testatoris offertur, verum sit, nec ulla fraude contaminatum; tamen de eo certo non constat, nec constare potest Principi vel Magistratui, nisi ex ipso testatore hanc suae voluntatis declarationem audiat. Nec obstat, quod tamen certitudo voluntatis probari possit per testes, quibus praesentibus procuratori testamentum insinuandum traditum fuit; nam ut taceam, hos ipsos testes, ob rationem supra expositam, maxime suspectos esse, certe in probatione ultimae voluntatis alii testes non admittuntur, nisi illi, coram quibus vel in scriptis, vel nuncupative fuit declarata, id quod ad vitandas fraudes et falsitates, quae in testamentis facilius committuntur, et hinc magis timentur, quam in aliis actibus, saluberrimo jure receptum est. Adeoque in testamentis privatis coram testibus, in publico coram Principe vel Magistratu in testium vicem succedente, ab ipso testatore exponenda est ultimae voluntatis declaratio.

§. XVI.

Septimum argumentum hujus est tenoris: *si Principis et Iudicis praesentia, per quam tamen suppletur sollemnitas, non semper necessaria est, sed illa aliquando per deputatos ad testatorem missos suppleri potest, quis praecise exigeret praesentiam testatoris?* Sed fallit haec consequentia. Nam pro Consiliariis Principis, vel Assessoribus Iudicis (quales ad domum testatoris delegari solent) eadem, ac pro ipso Principe vel Iudice, summae fidei et integritatis militat praesumptio, quae vero in procuratorem non cadit. Praeterea eum ipsum in finem Princeps vel Iudex personas deputatas ad aedes testatoris mittit, ut ab ipso testatore praesente ultimam voluntatem excipiant, adeoque tantum abest, ut hoc argumentum sententiam nostram infringat, ut potius contra ipsum



ipsum STRYKIUM eo uti possimus. Nam nisi praesentia testatoris ad actum testandi necessario requireretur, certe non adeo sese accommodarent desiderio testantium Principes vel Iudices, ut suos Consiliarios vel Assessores ad domum testatoris mitterent.

§. XVII

Ratio
VIIIa.

Octavum argumentum a donationis insinuatione per procuratorem licita petiturum est. Verum praeter ea, quae BARTHIVS L. c. §. 10. ad hanc objectionem jam respondit, unicum hoc tantum addemus, quod donatio mortis causa insinuatione plane non indigeat, sed sola quinque testium praesentia subsistat, per expressum textum L. 4. C. de donat. caus. mort. Adeoque ab ea, quae praeter necessitatem et facilitatis tantum probationis gratia fit, insinuatione huius donationis rite perfecteque antea jam celebratae, ad insinuationem testamenti per oblationem demum legitime condendi, adeoque formam huius testamentorum generis constituentem, non valet consequentia.

§. XVIII

Ratio
IXa.

Nonum STRYKII argumentum exigui momenti est, dum concludit: si consentire possum, ut alter de bonis meis testetur, utique etiam per mandatarium testari posero. Nam antecedens illud multis adhuc dubiis obnoxium est, et ipse STRYKIUS non certo et uniuersaliter affirmare audeat, quod ex Cap. 13. X. de testamentis Doctores probare contendunt; de cuius genuino sensu uid. GONZALEZ TELLEZ ad h. c. ERASM. VNGEBAYER in Comment. ad Decretales Tit. de testamentis, num. 22. seqq. illust. BOEHMERVS in Iur. Eccles. Protestans. ad eund. tit. §. 50. ad quos breuitatis studio lectorem remittimus, hoc saltem monen-

tes, Capiculum citatum tantum de ipsa voluntate in alterius dispositionem commissa loqui, non autem de modo, hanc voluntatem declarandi, de qua declaratione non minus, quam in omnibus aliis ultimis voluntatibus, ex ore committentis hanc suam voluntatem in alterius dispositionem certo constare debet.

§. XIX.

3.1 Decimo STRYKIVS ex Libro Formularum MARCVLI Monachi Ratio exemplum testamenti per mandatarium actis insinuati adducit, ex quo demonstrare conatur, praxin superiorum seculorum omnino oblationem per mandatarium admisisse. Sed huic dubio iam satisfactum est a V. C. FRANC. CAROL. CONRADI in eleganti *Dissertatione, de testamento publico, quod fit apud acta*, §. 18. docente, hanc formulam ad testamenti, antea rite confecti et a testatore cum testibus conscripti, publicationem spectare, de qua pluribus in hac ipsa *Diff. §. 2.* disseritur. Miramur autem Cl. hujus Dissertationis Auctorem §. 16. et 18. ad testamentum Principi offerendum admittere procuratorem, quem a testamento actis insinuando ipse removeret, cum tamen ratio, quae procuratorem a testamenti oblatione excludit, ad utramque testamenti speciem pertineat, et Princeps defectum certitudinis voluntatis, ex remissa praesentia testatoris resultantem, supplere nec velit, nec possit.

§. XX.

Vndecimum argumentum, ex statutis aliorum locorum pro- Ratio
curatorem admittentibus depromptum, nos plane non ferit, per Xlma,
ea, quae supra §. XI. jam monuimus: quare huic refutando
non immorabimur. Ad ultimum denique argumentum quod Ratio
attinet, facile quidem concedimus, maximum esse ultimum no Xlma,
luna-

luntatum favorem, ita ut non solum facultas testandi ampliari magis quam restringi debeat, sed etiam in dubio pro legitimi testamenti validitate respondendum sit. At hunc favorem non adeo extendi Iura volunt, ut etiam testamenta non jure condita eo gaudeant, id quod ex eo satis superque patet, quod, sicubi in testamento aliqua solennitas neglecta fuerit, illud corruat, etiamsi de voluntate testantis evidentissime constet. Multo minus favorem hunc merebitur testamentum, in quo ab initio statim, dum conditur, voluntatis certitudo deficit. Et cum novum hoc testamenti oblatus genus in favorem testantium, majoris nempe securitatis gratia, introductum sit, quis quaeso in illorum detrimentum id detorqueret? Quin potius inverti poterit hoc argumentum et statui, hunc ipsum ultimarum voluntatum favorem non permittere, ut talis testamentum condendi modus obtineat, quem metus fraudis et suppositionis semper premit: *non enim ullorum magis interest, (sunt verba laudati CONRADI in fine §. ult.) quam ipsorum testatorum, ejusmodi licentiam non admitti, ne per captatorum artes vera judicia saepe subvertantur.*

T A N T V M.

